

BOER. — Nicolaus Boerius (Bohier), natione Gallus, Monte Pessulano ortus, jurisperitus et causidicus perceleber, obiit anno 1556, et varia reliquit scripta: *Decisiones in senatu Burdigalensium discussas*, — *Tractatum de officio et potestate legati a latere in regno Franciæ*, — *Tractatum de seditiosis*, etc.

BOERN. — Christianus Fridericus Boernerus (Boerner), natione Germanus, patria Dresdensis, theologus et pastor heterodoxus, scientia et eruditione notus, Lipsiæ theologiam docuit, et obiit anno 1753. Posteris edidit: *Dissertationes sacras*, — *Institutiones theologiæ symbolice*, — *De ortu atque progressu philosophiæ moralis*, — *De Lutheri actis*, etc., etc.

BOETH. — Boethius prænomine Manlius Torquatus Severinus, consul Romanus, sapientia, eloquentia et pietate illustris, a Theodorico rege Gothorum, una cum Symmacho socero suo interfectus, anno 523, scripsit: *De consolatione philosophiæ*, — *De Trinitate*, etc. Omnia ejus opera collecta sunt in cursu Patrologiæ Latine, quem nuper edidit J. P. Migne, tom. LXIII et LXIV.

BOICH. — Henricus Boich, doctor utriusque juris, scripsit *Commentarium in libros Decretalium*, etc.

BOILEAU. — Jacobus Boileau, natione Gallus, patria Parisiensis, doctor Sorbonicus, canonicus et Facultatis theologiæ Parisiensis decanus, obiit anno 1716, ætatis suæ 82. Plurima posteris legavit opera sub his titulis: *De antiquo jure presbyterorum in regimine ecclesiastico*, — *De antiquis et majoribus episcoporum causis*, — *Tractatus de corpore et sanguine Domini*, — *De re beneficiaria*, — *Historia confessionis auricularis*, — *Historia Flagellantium*, etc., etc.

BOLDET. — Marcus Antonius Boldettus (Boldetti), natione Italus, patria Romanus, litteris antiquis et præsertim Hebraicis peritus, vita functus anno 1749, ætatis suæ 86, scripsit: *Observationes ad cœmeteria sacra martyrum et Christianorum*.

BOLGEN. — Joannes Vincentius Bolgenius (Bolgeni), natione Italus, patria Bergomensis, Societatis Jesu theologus, vir scientia et eruditione clarus, obiit anno 1811, et plurima concinnavit opera: *Examen de vera idea S. Sedis*, — *De episcopatu*, — *De jurisdictione ecclesiastica* — *De actibus humanis*, — *De amore Dei*, etc., etc.

BOLLAND. — Joannes Bollandus, natione Belga, patria Tulii Monte in ducatu Limburgiæ natus, Societatem Jesu ingressus anno 1612, litteras humaniores et theologiæ docuit, et annis gravis, laboribus confectus, ad cœlos migravit anno 1665. Edidit simul cum alijs SS. Patribus *Acta sanctorum* a mense Jan. ad August., etc.

BOLOGNINI. — Ludovicus Bologninus (Bolognini), natione Italus, patria Bononiensis, jurisconsultus eximius, multa de jure concinnavit opera sub his titulis: *Interpretationes novæ in jus civile*, — *Consilia*, — *Epistolæ decretales Gregorii IX*, — *De triplici disciplina*, — *Collectio florum in jus canonicum*, etc., etc.

BONA. — Joannes Bona, natione Italus, patria Pedemontanus, Cisterciensis monachus, S. R. Ecclesiæ cardinalis, vir scientia et amplissima eruditione necnon et pietate clarus, migravit ad Dominum anno 1674, ætatis suæ 65. Plurima et eximia edidit opera, quorum tituli: *De rebus liturgicis*, — *Manuductio ad cœlum*, — *Horologium asceticum*, — *De principiis vitæ Christianæ*, — *Psallentis Ecclesiæ harmonia*, — *De sacra psalmodia*, etc., etc.

BONACIN. — Martinus Bonacina, natione Italus, patria Mediolanensis, utriusque juris doctor, edidit *Tractatum de electione summorum Pontificum*, — *Tractatum de beneficiis*. Obiit anno 1631.

BONÆSPEI. — Franciscus Bonæspei, ordinis Carmelitarum monachus, varia concinnavit opera,

quibus tituli: *Commentarii tres in theologiæ scholasticam*, — *Elia visio*, — *De immaculata conceptione B. V. Mariæ*.

BONAGRAT. — Franciscus Bonagrata, Habsensis dictus, natione Alsata, ordinis S. Francisci monachus, theologiæ professor, suæ provinciæ diffinitor, vir litteris eruditus divinis et longa temporis exercitatione peritus, elaboravit et edidit: *Summam selectarum questionum Regularium*, — *Elucidationem quorundam questionum et locorum theologicorum de sacramentis*, — *Disceptationem de matrimoniis hæreticorum*, — *Libros duos questionum, in quibus quaeritur causa: cur hodie multi religiosi a religione catholica deficiant*, etc. Obiit circa finem sæculi XVII.

BONAL. — Franciscus Bonal, natione Gallus, ordinis S. Francisci monachus et provincialis pietate et scientia claruit sæculo XVII et Gallicæ conscripsit opus prænotatum: *Christianus hujus temporis in quatuor partes divisus*. Agit in parte I de origine Christianismi, in II de vocatione omnium hominum ad fidem Christianam, in III de puritate primæ Christianismi, in IV de dissolutis moribus Christiani temporis hujus. Latinitati donatum studio R. P. Udalrici, S. J. alumni, excusum fuit Augustæ Vindelicorum, in-fol., anno 1718.

BONALD. — Franciscus Bonaldus, natione Gallus, patria Mimatensis apud Gabalos, Societatem Jesu anno 1572 ingressus, humaniores litteras et theologiæ moralem professus, et pietate clarus obdormivit in Domino anno 1614. Exstant Gallicæ ab eo conscripta: *Stella mystica*, — *Divina Ecclesiæ œconomia*, — *Praxis Christiana, sive ratio bene vivendi*, — *Speculum sapientiæ divinæ*, etc.

BONAN. — Philippus Bonannus (Buonanni), natione Italus, patria Romanus, Societatem Jesu ingressus, claruit pietate, scientia et laboribus. Plurima Italice et Latine scripsit præsertim de rebus naturalibus. Inter ejus opera numerantur: *Observationes circa viventia in non viventibus*, — *De omnibus ordinibus regularibus et militaribus sub propriis habitibus et insigniis*, etc. Obiit anno 1725.

BONART. — Oliverius Bonartius (Boonaerts), natione Belga, patria Iprensis, Societatis Jesu alumnus, theologiæ moralem octennio professus, obiit anno 1653, et in lucem edidit: *De horis canonicis libros tres*, — *Commentarium in Ecclesiasticum*, — *De sacrosancto Missæ sacrificio*, etc.

BONAV.(S.) — Sanctus Bonaventura, Joannes in baptismo dictus, paterno cognomento Fidentius, a Græcis in Lugdunensi concilio Eutychius vel Eustathius appellatus, de Balneoregio natus, ordinis Minorum octavus generalis, Albanensis episcopus, S. R. Ecclesiæ cardinalis, vir in divinis Scripturis eruditissimus, ingenio subtilis et clarus eloquio et propterea *Doctor seraphicus* nuncupatus, migravit ad cœlos anno 1274. Plurima et eximia concinnavit opera: *Commentaria in sacram Scripturam*, — *In libros quatuor Sententiarum*, et alia septem tomis in-fol. comprehensa.

BONEF. — Enimundus Bonefidius (Bonnefoi), natione Gallus, patria Cerebelliæcensis, religione heterodoxus, jurisconsultus celebris et professor, edidit: *Juris orientalis libros tres, notis illustratos*, etc. Obiit anno 1574.

BONET. Nicolaus Bonettus, natione Siculus, patria Messanensis, ordinis S. Francisci monachus, ad Melitensem episcopatum a Clemente VII, anno 1542, sublimatus, vir scientia, meritis, prudentia clarus, *Doctor proficus* nuncupatus, scripsit: *Postillam in Genesim*, — *Commentaria in Aristotelem*, — *In libros IV Sententiarum*, — *Tractatum de conceptione B. V. Mariæ*, etc., etc. Obiit circa medium sæculi XIV.

BONFAD. — Julius Bonfadius, natione Italus, eximium edidit opus prænotatum: *Thesaurus ecclesiasticarum decisionum*.

BONFRER. — Jacobus Bonfrerius, natione Belga, patria Dionantensis, Societatem Jesu anno 1592 ingressus, philosophiam et theologiæ in collegio Duacensi docuit. Vir multiplicis eruditionis, ingenii sagacitate, judicii maturitate, styli facilitate ac nitore, memoriæ denique tenacitate excellens, insignia edidit opera his sub titulis: *Præloquia in totam Scripturam sacram*, — *Onomasticon urbium et locorum sacræ Scripturæ*, — *Pentateuchus Moysis commentario illustratus*, — *Josue, Judices et Ruth commentario illustrati*, etc., etc. In senectute bona obiit Tornaci, anno 1642.

BONGAR. — Jacobus Bongarsius (Bongars), natione Gallus, patria Aurelianiensis, religione heterodoxus, a consiliis Henrici IV, historiographus et criticus celebris, fato functus Parisiis anno 1612, scripsit: *Gesta Dei per Francos*, — *Collectionem Hungaricarum rerum scripturam*, — *Epistolæ*, etc., etc.

BONGIOV. — Simon Bongiovanni, natione Italus, scripsit librum prænotatum: *Silva sacrarum caeremoniarum*.

BONGO. — Petrus Bongo, natione Italus, patria Bergomensis et canonicus, vir in litteris Latinis, Græcis et Hebraicis doctus, in philosophia theologia, Scriptura sacra, astronomia præsertim et astrologia eruditissimus, edidit opus singulare prænotatum: *Numerorum mysteria ex abditis plurimarum disciplinarum fontibus hausta*. Obiit anno 1601.

BONONIA. — Sigismundus a Bononia, natione Italus, ordinis S. Francisci monachus, theologiæ ac juris pontificii professor, vir pius et humilis, opus scripsit hoc titulo insignitum: *De electione et potestate prælatorum, et aliorum officialium regularium*.

BORDON. — Franciscus Bordonus, natione Italus, patria Parmensis, ordinis S. Francisci monachus, generalis minister, ac sancti officii consultor, vir apprime doctus varique scientiarum genere ornatus, migravit ad cœlos anno 1671. Opera edidit pene innumera quorum præcipua: *Syllogistarium*, — *Tractatus de professione regulari ad leges juris communis*, — *Controversiæ morales*, — *Propugnaculum humanæ libertatis*, — *Sacrum tribunal judicum in causis sanctæ fidei*, — *Decisiones miscellaneæ*, — *Appendices ad manuale consultorum*, — *De beatificatione et canonizatione sanctorum*, — *De blasphemis*, — *De sortilegiis*, etc.

BOREL. — Petrus Borellus (Borel), natione Gallus, patria Castrensis, a consiliis regis Francorum et medicus, vir in rebus physicis eruditus, varia tum Gallicæ, tum Latine scripsit opera, quorum tituli: *Bibliotheca chimica*, — *Historiarum et observationum medico physicarum centuriæ quatuor*, — *Trésor des antiquités gauloises et françaises*, etc., etc.

BORGIA. — Alexander Borgia, natione Italus, patria Velitrensis, archiepiscopus Fermanus, varia tum Latine tum Italice edidit opera: *Concilium provinciale Fermanum*, — *Istoria della chiesa e città di Velletri, in quattro libri*, — *Vita Papæ Benedicti XIII*, etc. Obiit anno 1764.

BORGIA. — Stephanus Borgia, natione Italus, patria Velitrensis, filius sororis præcedentis, vir scientia et eruditione clarus, S. R. Ecclesiæ cardinalis, plurima Latine vel Italico idiomate scripsit quibus tituli: *Monumento di papa Giovanni XVI*, — *Istoria della città di Benevento*, — *Vaticana confessio B. Petri, chronologicis testimoniis illustrata*, — *Breve istoria del dominio temporale della sede apostolica nelle due Sicilie*, — *De benedictionibus*, etc., etc. Vitam præsentem pro meliore commutavit, anno 1804.

BORRICH. — Olaus Borrichius, natione Danus, medicus et professor, fato functus anno 1590, varia sub his titulis concinnavit opera: *De ortu et progressu chemiæ dissertatio*, — *Antiquæ Romæ imago*, — *De causis diversitatis linguarum*, — *Hermæus, Ægyptiorum et chemicorum sapientia*, — *Lingua pharmacopœorum*, etc.

BORROM.(S.) — Sanctus Carolus Borromæus, natione Italus, archiepiscopus Mediolanensis, S. R. Ecclesiæ cardinalis, vir scientia, zelo et pietate præclarus, ad cœlos abiit anno 1584, ætatis suæ 47. Scripsit: *Acta Ecclesiæ Mediolanensis*, — *Institutiones ad confessarios*, multaque alia tum dogmatica tum moralia, 5 vol. in-fol. excusa, Mediolan. 1747.

BORTOL. — Joannes Baptista Bortoli vel Bartoli, natione Italus, patria Venetus, episcopus Feltrien-sis, theologus et canonista celebris, obiit anno 1776, posteris relinquens: *Institutiones juris canonici*, etc.

BOSCO. — Joannes a Bosco, natione Germanus, ordinis S. Francisci monachus, provinciæ Recolletorum inferioris Germaniæ lector jubilatus, sapius diffinitor ac in Academia Lovaniensi lector, edidit sex volumina in-fol. *Theologiæ sacramentalis, scholasticæ et moralis*; et alia duo volumina in-fol. sub titulo: *Theologia spiritualis, scholastica et moralis*. Tempus quo obierit adhuc nos latet.

BOSIO. — Antonius Bosius (Bosio), natione Italus, patria Mediolanensis, Italice scripsit opus prænotatum *Roma sotterranea*, et anno 1629 obiit.

BOSIUS. — Evangelista Bosius, ordinis S. Augustini monachus vitæ sanctitate et doctrinæ præstantia celebris, obiit anno 1593, et se posteris memorabilem fecit per *Theoremata theologica, naturalia et logica*.

BOSQUIER. — Philippus Bosquier (Bosquier), natione Belga, Montibus Hannoniæ originem ducens, ordinis S. Francisci monachus, vir fuit apprime eruditus, ac versu et prosa ad scribendum promptus. Multa et egregia tum Latine tum Gallicæ concinnavit opera et opuscula tribus voluminibus in-fol. Colonia anno 1621 impressa, inter quæ præcipua: *Carcer Laureatus, sive Echo concionum de rebus in carcere gestis a Joanne Baptista*, — *Legatus apostolicus*, — *Ara cœli*, — *Orbis terror*, — *Orator terræ sanctæ*, etc., etc. Obiit anno 1636.

BOSS. — Joannes Angelus Bossius, religione Barnabita, varia concinnavit opera, his sub titulis: *De triplici Jubilæo*, — *De scrupulis*, etc.

BOSSUET. — Jacobus Benignus Bossuetius (Bossuet), natione Gallus, patria Divionensis, doctor Sorbonicus, episcopus Meldensis, vir scientia, eruditione et facundia clarus, obiit anno 1704. Multa et egregia, tum Latine tum Gallicæ sermone, concinnavit opera, quæ nuper tomis 11 in-4^o collegit J. P. Migne, Bibliothecæ cleri universalis editor.

BOTTAR. — Joannes Gaetanus Bottarius (Bottari), natione Italus, patria Florentinus, inter prælatos Romanos doctissimus, Italice plurima edidit opera: *Del museo Capitolino*, — *Sculture e pitture sacre estratte da' cimenterj di Roma*, etc. Obiit anno 1775, ætatis suæ 86.

BOUCAT. — Antonius Boucatus, ordinis S. Francisci de Paula monachus, edidit *Theologiam Patrum dogmaticam, scholasticam et positivam*.

BOUDARD. — Jacobus Boudardus (Boudart), natione Belga, patria Hannonius, canonicus S. Petri ab Insulis, theologiæ professor, edidit *Cursum theologiæ dogmaticæ et moralis*; obiit anno 1702.

BOUDEW. — Michael Boudewius, edidit *Ventilabrum medico-theologicum*.

BOUGEANT. — Guillelmus Hyacinthus Bougeant, natione Gallus, patria Corisopitensis, e Societate Jesu, humaniores docuit litteras et varia Gallicæ scripsit opera quibus apud posteros factus est clarus: *Histoire du traité de Westphalie*, — *Exposition de la doctrine chrétienne*, — *Amusement philosophique sur le langage des bêtes*, etc., etc.

BOVER. — Zacharias Boverius, natione Italus, patria Salutiensis, in provincia Pedemontana, ordinis S. Francisci monachus, diffinitor generalis, historiographus, Romanæ inquisitionis consultor,

theologus eminentissimi cardinalis Barberini, hæreticorum validus impugnator, egregia posteris legavit opera prænotata: *Demonstrationes symbolorum veræ et falsæ religionis adversus præcipuos religionis catholicæ hostes*, — *Censura parænetica in quatuor libros de republica ecclesiastica Antonii de Dominis*, — *Orthodoxa consultatio de ratione veræ fidei*, — *Directorium fori judicialis pro regularibus*, etc., etc. Migravit e vita anno 1638.

BOYVIN. — Joannes Gabriel Boyvin, natione Gallus, ex urbe Viria Normanniæ inferioris oriundus, ordinis S. Francisci monachus, lector bis jubilatus, ac provinciæ Pater, edidit a prolixitate liberam: *Philosophiam Scoti*, — *Theologiam scholasticam et moralem ad mentem Scoti quadripartitam*. Claruit sæculo XVII, sed tempus, quo obiit, latet.

BRANCAT. — Franciscus Laurentius Brancati, de Lauria dictus, ab urbe ex qua oriundus, Neapolitanus, S. R. Ecclesiæ cardinalis, obiit Romæ, anno 1695, ætatis suæ 82, et varia concinnavit opera, scilicet: *Disputationes de penitentia*, — *De prædestinatione et reprobatione*, etc.

BRANDEN. — Georgius Brandenus, natione Germanus, canonicus Augustanus, edidit librum cui titulus: *Collectanea super concordatis inter sedem apostolicam et nationem Germaniæ*.

BRANDO. — Joannes Brando, natione Flander, ex pago Hontenessa, territorii Hulstensis, ordinis Cisterciensis monachus, theologiæ doctor Parisiensis, historiographus, vita functus anno 1456, scripsit chronicon celebre ab origine mundi usque ad annum Incarnati Verbi 1414, quod ipse intitulavit *Chronodromon*, sive *Cursus temporum*.

BRASCH. — Joannes Baptista Braschius (Braschi), natione Italus, ex nobili Cæsenatis familia oriundus, episcopus Sarsinensis, plurima tum theologica, tum historica posteris reliquit opera prænotata: *De libertate Ecclesiæ in conferendis beneficiis*, — *Relatio status Ecclesiæ Sarsinatis*, — *Memoria Cæsenates sacræ et profanæ*, etc. Obiit anno 1727.

BREMOND. — Antonius Bremondus (Bremond), natione Gallus, patria Carsciensis, in Provincia, ordinis S. Dominici monachus et generalis, scientia et eruditione clarus, obiit Romæ anno 1755, ætatis suæ 64, et edidit: *Bullarium ord. Dominicanorum*, — *De germana stirpe S. Dominici*.

BRENO. — Carolus Franciscus a Breno (vel Brengo), ordinis S. Francisci monachus, fidei controversiarum lector generalis, necnon ordinis scriptor generalis, tam in theologia quam in divinis Scripturis nobiliter et egregie doctus, ad virorum apostolicorum instructionem concinnavit: *Manuale missionariorum orientalium, in quo nedium hæreses omnes orientalem Ecclesiam turpiter sedantes eliduntur, verum etiam casus morales resolvuntur*, — *Tractatum de missionariorum instructione*. Tempus quo obiit ignoratur.

BRENTAN. — Ignatius Brentanus, ordinis S. Benedicti monachus scripsit *Chronologiam mundi Christiani a Christo nascente ad annum 1527*.

BREVISCOX. — Joannes Breviscoxa (Courtrecuisse), natione Gallus, in agro Cenomannorum pagoque Halena natus, theologiæ doctor et professor excellentissimus, nuntius regis Franciæ ad Benedictum et Bonifacium propter pacem, episcopus Gebennensis et Parisiensis designatus, obiit circa annum 1450. Scripsit: *Tractatum de potestate Ecclesiæ et concilii*, — *Varias quæstiones theologicas et morales*, — *Quatuor principia super lecturam Bibliorum*, — *Commentarium in Evangelium Joannis*, etc.

BRIET. — Philippus Briettus (Briet), natione Gallus, patria Abbavillæus, e Societate Jesu, vir in chronologicis et geographicis disciplinis versatissimus, animam efflavit Parisiis, anno 1668. Edidit in lucem: *Parallela geographiæ veteris et novæ*, — *Annales mundi, sive chronicon ab orbe condito ad*

annum Christi 1663, — *Concordiam chronologicam*, — *Theatrum geographicum Europæ veteris*, etc., etc.

BRIGIT. S. — Sancta Brigitta, Sueciæ princeps, Brigeri et Sigridis filia, Wulphonis Hericiæ principis uxor, scripsit: *Regulam triginta et uno capitibus*, — *Octo libros Revelationum*. Ad cælos migravit anno 1373.

BRINKEL. — Gualternus Brinkleus vel Brinkel, natione Anglus, ordinis S. Francisci monachus, theologiæ doctor et professor Oxoniensis, *Doctor bonus nuncupatus*, vir acuti et subtilis ingenii, scripsit: *Distinctiones scholasticas*, — *Determinationes*, — *In libros quatuor Sententiarum*, — *Accuratos commentarios in varia opera Aristotelis*, etc., etc. Obiit circa annum 1525.

BRISSON. — Barnabas Brissonus (Brisson), natione Gallus, causidicus et jurisconsultus celebris, regis Henrici III a consiliis et nuntius, vir scientia et eruditione insignis, varia scripsit opera sub his titulis: *De jure connubiorum liber singularis*, — *De verborum quæ ad jus pertinent significatione*, — *De formulis et solemnibus populi Romani verbis*, — *Codex Henrici III*, etc., etc. Violenta morte suspensus obiit anno 1591.

BRITT. — Bernardus a Brito vel Britto, natione Lusitanus, monachus Cisterciensis, historiographus, fato functus anno 1617, scripsit: *Monarchiam Lusitanam*, — *Geographiam*, — *Chronicon Cisterciense*, etc.

BROGNOL. — Candidus Brognolus (Brognolo), natione Italus, patria Bergomensis, ordinis S. Francisci monachus, vir sane eruditus et theologiæ professor, Latine scripsit: *Manuale exorcistarum et parochorum*, — *Alexicacón, seu de maleficiis*, — *Speculum clericorum*, — *Tractatum de regularibus*, etc. Claruit sæculo XVII.

BRONCHORST. — Everhardus Bronchorstius (Bronchorst), natione Batavus, jurisconsultus insignis et professor, vir scientia et litteris clarus, varia de jure edidit opera sub his titulis: *Controversiarum juris centuriæ*, — *Miscellanea*, etc., etc. Obiit anno 1627.

BRUCK. — Joannes Jacobus Bruckerus (Brucker), natione Germanus, patria Augustanus, heterodoxæ religionis pastor, vir eruditione clarus, morte functus anno 1770, edidit in lucem: *Tentamen introductionis in historiam doctrinæ de ideis*, — *Historiam criticam philosophiæ a mundi incunabulis ad nostra tempora deductam*, — *Miscellanea*, etc.

BRUCKN. — Joannes Jacobus Brucknerus (Bruckner), natione Germanus, patria Basiliensis, heterodoxus minister, varia scripsit sub his titulis: *De custodia templorum*, — *Disputatio theologica de morientium apparitione*, etc. Migravit e vita circa annum 1725.

BRUMM. — Fridericus Brummerus (Brummer), natione Germanus, patria Lipsiensis, jurisconsultus insignis, vir litteris Græcis et Latinis valde eruditus, edidit: *Commentarium in legem Cinciam*, — *Tractatum de locatione et conductione*. Obiit in aquis, anno 1668.

BRUNNEMANN. — Joannes Brunnemannus (Brunnemann), natione Germanus, patria Coloniensis, jurisconsultus, Francofurti defunctus, in lucem emisit: *Commentaria in Pandectas*, — *De jure ecclesiastico*, — *Concilia academica*, — *Jus institutionum controversum*, etc.

BRUNO (S.). — Sanctus Bruno, vulgo Astensis, patria Solerinus, ordinis S. Benedicti monachus et abbas, episcopus Signinus, transitit de hoc mundo ad cælos anno 1125. Scripsit: *Commentaria in sacram Scripturam*, — *Homilias in Evangelia*, — *Tractatus de sacramentis*, — *De ritibus ecclesiasticis*, etc. Omnia ejus opera collecta sunt in cursu Patrologiæ Latinæ, edit. J. P. Migne, tom. CLII, CLIII.

BRUNUS. — Petrus Brunus (Pierre Le Brun), natione Gallus, patria Brignoniensis, in Provincia, e congregatione Oratorii presbyter, in rebus ecclesiasticis et profanis valde eruditus, Parisiis obiit anno 1729. Varia Gallice edidit opera sub his titulis: *Histoire critique des pratiques superstitieuses qui ont séduit les peuples*, — *Explication des cérémonies de la Messe*, — *Traité historique et dogmatique des jeux de théâtre*, etc., etc.

BUDD. — Joannes Franciscus Buddhaus, natione Germanus, religionis heterodoxæ minister, theologus insignis, plurima concinnavit opera: *Elementa philosophiæ practicæ, instrumentalis et theoreticæ*, — *Theologiæ cursum*, — *Tractatum de atheismo et superstitiione*, — *Selectorum juris naturæ et gentium dissertationes*, etc. Obiit anno 1705.

BUDER. — Christianus Gottlieb Buderus (Buder), natione Germanus, jurisperitus scientia et eruditione insignis, varia edidit opera, quorum præcipua sunt: *Bibliotheca juris Struviana adaucta*, — *Amænitates juris feudalis*, — *Miscellanea*, etc. Vitam exiit anno 1765.

BUGNON. — Philibertus Bugnonius (Bugnyon), natione Gallus, patria Matisconensis, regis causidicus et jurisperitus eximius, obiit anno 1590, posteris relinquens: *Legum abrogatarum in curiis regni Franciæ tractatum*, — *Chronicon Matisconense*, etc.

BULLAR. ROM. — Bullarium Romanum in plures tomos in-fol. distributum.

BURCHAR. — Joannes Burchardus (Burchard), patria Argentoratensis, Castellensis episcopus, in rebus liturgicis peritus, varia dedit opera sub his titulis: *Ordo pro informatione sacerdotum*, — *Diarium Alexandri VI*, — *Tractatus de cæremoniis*, etc. Obiit anno 1505.

BURCKHAR. — Franciscus Burekhardus (Burekhard), natione Germanus, cancellarius Coloniensis, fato functus anno 1584, scripsit librum cui titulus: *De Autonomia religionis*.

BURGHAB. — Adamus Burghaber, natione Germanus, patria Veldensis in Bavaria, Societati Jesu addictus, theologiam moralem biennio, polemicam de controversiis fidei septennio, scholasticam annis 16 insigniter docuit, scripsit Latine ediditque: *Centurias selectorum casuum conscientiæ tres*, — *Discussionem theologiam adiaiphoriæ seu controversiæ, an quilibet in sua fide salvari possit*, — *Disputationes fusiores varias*, etc., etc. Vitam pro meliore commutavit circa finem sæculi XVII.

BURCOS. — Antonius Burgosius (Burgos), natione Hispanus, patria Salmanticensis, utriusque juris doctor, vir ingenio et eruditione clarus, multa in varios Decretalium titulos scripsit, et præsertim: *Tractatum super utili et quotidiano de emptione et venditione in Decretalibus*. Obiit anno 1525.

BURGUND. — Nicolaus Burgundius (Bourgoigne), natione Belga, patria Angiensis, vir litteris et jurisprudentia clarus, historiographus celebris, juris civilis doctor, comes palatinus a Ferdinando II electus, obiit anno 1649. Inter opera quæ concinnavit pene innumera, clarescunt hæc prænotata: *Ad consuetudines Flandriæ*, — *Commentarius de eversionibus*, — *De duobus reis*, — *Historia Belgica*, — *Historia Bavarica*, etc., etc.

BURI. — Guillelmus Burius (Bury), natione Belga, patria Bruxellensis, Mechliniensis canonicus, fato functus anno 1700, scripsit: *Romanorum Pontificum brevem notitiam*, — *Onomasticon etymologicum*.

BUSEMB. — Hermannus Busembaum, natione Germanus, patria Nottelenensis in Westphalia, in Societate Jesu Deo dicatus, in ea docuit humaniora, philosophiam et theologiam moralem; collegia Hildesemense et Monasteriense rexit, et prudentia doctrinaque insignis animam Deo reddidit anno 1668. Scripsit: *Medullam theologiæ moralis*,

— *Lilium inter spinas, de virginibus Deo devotis, eique in sæculo inservientibus*.

BUSTIS (A.). — Bernardinus a Bustis, natione Italus, patria Mediolanensis, ordinis S. Francisci monachus, vir philosophicis, theologicis et juris utriusque disciplinis insigniter eruditus, et eximius concionator, multa et eximia concinnavit opera, quæ sunt: *Mariale de singulis festivitibus B. Virginis*, — *Rosarium sermonum*, — *Tractatus de imitatione Christi*, etc., etc. Claruit circum finem sæculi XV.

BUTRIO. — Antonius Butrius vel a Butrio, natione Italus, patria Bononiensis, jurisconsultus peritus, edidit: *Repertorium juris canonici ac civilis*, — *Commentaria in Decretales et Clementinas*, etc. Obiit circa annum 1417.

BZOV. — Abrahamus Bzovius (Bzowski), natione Polonus, ordinis S. Dominici monachus, Mediolani philosophiam, Bononiæ theologiam docuit; in lucem edidit: *Continuationem Annalium Baronii*, 9 vol. in-fol., et Romæ obiit, anno 1637.

C

CABASIL. — Nicolaus Cabasilas, Thessalonicensis archiepiscopus, vir scientia et eruditione insignis, claruit circa medium sæculi XIV (1550), et plurima de Græcorum schismate scripsit. Illius inter opera eminent: *Expositio liturgiæ Græcæ*, — *Vita Jesu Christi*.

CABASS. — Joannes Cabassutius, natione Gallus, patria Aquensis, Oratorii congregationis presbyter, juris canonici professor, vir ingenio, litteris et prudentia insignis, obiit anno 1685, ætatis suæ 81. Eximia posteris legavit opera sub his titulis: *Juris canonici theoria et praxis*, — *Notitia ecclesiastica conciliorum, canonum, veterumque Ecclesiæ rituum*, — *Tractatus de usuris*, — *Horæ subsecivæ*, etc.

CABRER. — Felix Cabrera, natione Hispanus, ordinis S. Francisci monachus, Latine concinnavit opus prænotatum: *Catena moralis diversorum annulorum*, ex tribus partibus composita, in quarum prima habetur: *De reservatione in communi et in genere*; in II: *De reservatis in diocesis Gotholoniæ*, in III: *De bulla S. Cruciatæ*. Floruit sæculo XVI.

CABRIN. — Josephus Cabrinus, edidit librum cui titulus: *Directorium ordinandorum in forma catechismi*.

CACCIALUP. — Joannes Baptista Caccialupus (Caccialupi), natione Italus, patria Neapolitanus, jurisconsultus celebris et professor, claruit sæculo XV (1465) et plurima de jure edidit opera: *De justitia et jure*, — *De debitore suspecto fugitivo*, — *De pactis*, — *De modo studendi*, — *De transactione defensoris juris*, etc.

CACHERAN. — Joannes Cacheranus, clericus regularis, scripsit: *Theologiam assertivam*.

CÆREMON. — Cæremionale papale, seu sacrarum cæremoniarum et rituum ecclesiasticorum S. R. Ecclesiæ, editum a Christophoro Marcello Corcyrensi episcopo. — Nec non et cæremionale episcoporum.

CAGNOL. — Hieronymus Cagnolus (Cagnoli), natione Siculus, patria Venetus, ordinis S. Lazari eques, a consiliis ducis Sabaudia et amicus, jurisconsultus celebris et professor, obiit anno 1551, plurima posteris relinquens opera, quorum præcipua sub his titulis: *Variæ legum enarrationes*, — *De vita et regimine boni principis*, etc., etc.

CAJETAN. — Thomas de Vio, natione Italus, ex urbe Gaeta oriundus et inde dictus Cajetanus, ordinis S. Dominici monachus et generalis, S. R. Ecclesiæ cardinalis, theologiæ professor et doctor, vir scientia et ingenio clarus, obiit Romæ, anno 1554, et scripsit: *De auctoritate Papæ et concilii, sive Ecclesiæ, comparata*, — *Paradigmata de quatuor*